



NOKUT

Dato: 13.09.2016
Vår ref.: 2016/4894-5
Saksbehandlar: adelan
Dykkar ref.:

Samanslåing av Bergen tekniske fagskole og Bergen maritime fagskole

Styret for Fagskolane i Hordaland meldar med dette om at Bergen tekniske fagskole og Bergen maritime fagskole vert slått saman til éin fagskule frå 01.01.2017. Den nye fagskulen får namnet Fagskolen i Hordaland, og hovudadministrasjonen vil vere Haugeveien 28 på Nordnes i Bergen.

Bakgrunn for samanslåing

Hordaland fylkeskommune ved Fylkestinget vedtok 13.03.2013 ein skulebruksplan som stadfesta at Fagskolane i Hordaland skulle verte slått saman til større einingar. I fyrste prosess vart dei 7 fagskulane slått saman til 3 fagskular, og i neste prosess skulle Bergen maritime fagskole og Bergen tekniske fagskole verte slått saman til éin fagskule. Styret for Fagskolane i Hordaland gjorde følgjande vedtak den 17.03.2016 som vidare oppfølging av skulebruksplanen:

Vedtak

1. Bergen maritime fagskole og Bergen tekniske fagskole vert slått saman til éin fagskule 01.01.2017. Styret vil peika på at arbeidet med samlokalisering av fagskulane vert prioritert slik at dette kan gjennomførast snarast råd.
2. Den nye tekniske og maritime fagskulen vil heite Fagskolen i Hordaland.
3. Opplæringsavdelinga må gjere greie for:
 - Ressursbehovet i høve til personale knytt til omstillingsarbeidet.
 - Eventuelle behov for endringar i bygg og kostnader ved dette.
 - Eventuelle økonomiske konsekvensar ved splitting av drifta av fagskule og vidaregåande skule.
 - Lokasjon for den nye eininga og plassering av hovudadministrasjon.

Prosess

Etter vedtak i styret om samanslåing har det vorte oppretta eit omstillingsutval (OMU) som er eit rådgjevande organ i omstillingsprosessen. OMU er bredt samansett i høve til både leiinga ved dei to fagskulane, fylkesadministrasjonen, tillitsvalde og verneombod. OMU har vidare oppretta fleire arbeidsgrupper som skal gjere greie for sentrale tilhøve ved samanslåinga. Mellom anna er det oppretta ei arbeidsgruppe som gjer greie for korleis ein skal sikre og ivareta vidare godkjenningar og sertifiseringer i høve til NOKUT og Sjøfartsdirektoratet sine krav og forskrifter.

Ny organisering

Proessen med å slå saman Bergen maritime fagskole og Bergen tekniske fagskole er godt i gang, og 15.09.2016 vedtok styret for Fagskolane i Hordaland at Torbjørn Tvedt vert tilsett som rektor for den nye Fagskolen i Hordaland frå 01.01.2017. Torbjørn Tvedt er i dag rektor ved Bergen tekniske fagskole.

Fagskolane i Hordaland har i dag eitt felles styre og styrevedtekter, studentreglement og kvalitetssystem i høve til NOKUT sine forskrifter og krav. I tillegg har Bergen maritime fagskole eit kvalitetssystem som ivaretek dei maritime utdanningane i høve til STCW-konvensjonen. Kvalitetssystemet ved Bergen maritime fagskole vert vidareført og implementert ved den nye Fagskolen i Hordaland, i tillegg til kvalitetssystemet som ivaretek NOKUT sine krav og som mellom anna dannar grunnlag for å gje styret informasjon om kvaliteten i utdanningane ved fagskulane. Dagens felles styrevedtekter og studentreglementet vert også vidareført ved den nye Fagskolen i Hordaland.

På bakgrunn av samanslåinga er det utforma nytt overordna organisasjonskart for korleis Fagskolane i Hordaland, med den nye Fagskolen i Hordaland, skal vere organisert frå 01.01.2017 (sjå vedlegg 1). Bergen maritime fagskole er i dag lokalisert på Nygård i Bergen sentrum, og dei utdanningane som ligg til Bergen maritime vert vidareført på studiestad Nygård. Utdanningane ved Bergen tekniske fagskole vert også vidareført på Nordnes i Haugeveien 28 som i dag. Utdanningane som er lokalisert på andre studiestader som til døme Austevoll og Voss vert også vidareført. Såleis vert det ingen endring i lokasjon i høve til utdanningane og naudsynt utstyr ved denne samanslåinga.

Roald Kvamme
styreleiar

Adeline Berntsen Landro
spesialrådgjevar

Brevet er godkjent elektronisk og har derfor inga underskrift.

Kopi til:
NOKUT - fagskole
Sjøfartsdirektoratet

Vedlegg

1 Organisasjonskart for Fagskolane i Hordaland